

遊西山記

喬宇

都城之西有山焉蜿蜒磅礴首太行尾居庸東向而北繞實京師雄觀也予自童時嘗嬉遊其勝比長登仕身繫于公無因而遂者屢矣今年九月七日偶休暇卽速二三友連鑣出阜城門指山以望則烟霏杳靄近遠參差舊路恍然如夢緣溪而北境漸開豁梵寺仙宮盤列掩映廊簷臺榭之覆壓丹艧金碧之焯焯殆不可數計又二十里爲西湖卽玉泉所瀦者右浸岡陂滉漾一碧堤之東則稻畦千畝接于獲山之麓上有寺曰圓淨因巖而構甃爲石磴數尋遊者必拾級聚足以上絕頂有屋曰雪洞俯面西湖之曲由中而瞰曠焉茫焉如駕遠翮凌長空予與

道藏輯要

天下名山記  
直隸西山喬

四

軫集一

客浩歌長吟舉酒相屬時天高氣清木葉盡下平田遠村綿亘無際雖不出咫尺之間而騁眺于數百里之外羣峰拱乎北衆水宗乎東盪胸釋形將與寥廓者會已而客進曰此地美矣西山之勝恐未止如是夫登高不躡其巔臨深不窮其源要非好奇者于是復命駕西往蹈長橋渡盤渦又五里抵玉泉山山下泉出如沸有亭爲宣皇駐蹕之所瀆爲池清可鑒毫髮扣之而金石鳴灑之而風雨至其瀧愈遠其勢愈沖融瀟澗所謂西湖之源也岸則檜柏松杉之蔭鬱洲則芰蒲菱荇之偃敷幽龕古洞行宮荒臺又爭奇獻秀于左右予乃踞大石濯清流頽乎其旣醉浩乎其忘歸不知世間何物可以易此樂也夫西山之勝

雖非一日所周然甕山之高曠玉泉之幽邃其大率已得之矣  
抑何必陟嶮岼披蒙翳如鄧詵之數月山行者然後為快耶且  
茲山自唐虞以來下上數千年或為列國或為名藩或割據于  
英雄或侵併于異域咸未有大一統如今日者豈天固遣之以  
壯我國家哉

道藏輯要

天一名山記  
直隸西山喬

五

軫集  
文